北京时间:4月22日 22:00。是4月的第四次专题~

01

大风歌

汉高祖 刘邦

大风起兮云飞扬。威加海内兮归故乡。安得猛士兮守四方!

02

西极天马歌

汉武帝 刘彻

天马徕兮从西极。经万里兮归有德。承灵威兮降外国。涉流沙兮四夷服。

03

招商歌

汉灵帝 刘宏

拾遗记曰。灵帝初平三年。游于西园。起裸游馆千间。采绿苔而被阶。引渠水以绕砌。周流澄澈。乘 船游漾。选玉色宫人执稿楫。又奏招商之曲以来凉风。歌曰。 凉风起兮日照渠。

青荷书偃叶夜舒。

惟日不足乐有馀。

清丝流管歌玉凫。

千年万岁嘉难逾。

04

黎阳作 其一

魏文帝 曹丕

朝发邺城,夕宿韩陵。霖雨载涂,舆人困穷。载驰载驱,沐雨栉风。舍我高殿,何为泥中。在昔周武,爰暨公旦。载主而征,救民涂炭。彼此一时,唯天所讚。我独何人,能不靖乱。

05

猛虎行

魏明帝 曹叡

双桐生空井。枝叶自相加。 通泉浸其根。玄雨润其柯。 绿叶何蓩蓩。青条视曲阿。 上有双栖鸟。交颈鸣相和。 何意行路者。秉丸弹是窠。

06

咏史诗

宋孝武帝 刘骏

聂政凭骁气,荆轲擅美风。

孤刃骇韩庭,独步震秦宫。

怀音岂若始,捐躯在命终。

雄姿列往志,流声固无穷。

07

和太子忏悔诗

梁武帝 萧衍

玉泉漏向尽。金门光未成。 缭绕闻天乐。周流扬梵声。 兰汤浴身垢。忏悔净心灵。 蒌草获再鲜。落花蒙重荣。

80

同平南弟元日思归诗

陈后主 陈叔宝

至德掩羲黄, 成功迈禹汤。

仪刑元四海,来庭盛万方。

鸣玉观升降,击石乃铿锵。

三春气色早,九疑烟雾长。

浮云断更续,轻花落复香。

北宫瞻远岫,南服阻遥江。

尔言想伊洛, 我思**属潇湘。**

云中受突厥主朝宴席赋诗

隋炀帝 杨广

隋书曰。大业三年八月。帝北巡。车驾发榆林。历云中。溯金河。时天下承平。百物丰实。甲士五十馀万。马十万匹。旌旗辎重。千里不绝。突厥启民克汗奉庐帐以俟车驾。帝幸其帐。启民奉觞上寿。帝 大悦。赋诗曰。

鹿塞鸿旗驻, 龙庭翠辇回。

毡帐望风举,穹庐向日开。

呼韩顿颡至,屠耆接踵来。

索辫擎膻肉,韦鞲献酒杯。

何如汉天子,空上单于台。

10

冬至乾阳殿受朝诗隋炀帝 杨广 北陆玄冬盛,南至晷漏长。 端拱朝万国,守文继百王。 至德惭日用,治道愧时康。 新邑建嵩岳,双阙临洛阳。 圭景正八表, 道路均四方。

碧空霜华净,朱庭皎日光。

缨佩既济济, 钟鼓何锽锽。

文戟翊高殿, 采眊分修廊。

元首乏明哲, 股肱贵惟良。

舟楫行有寄, 庶此王化昌。